

քը — յարաճուն ջարդեր քրիստոնեաների: Իւրաքանչիւր յետադայ փորձ նախընթացի արիւննոտ հետքերը ջնջելու, մոռացնելու մի ձեռնարկ է:

Քեմալական թիւրքիան իր նախորդներից յետ չի մնաց. մէկ միլիոն հայութեան արեան շառաչիւնը պէտք էր խլացնել քաղաքակիրթ աշխարհում:

Ինչո՞ւ:

Սահմանադրութիւնն էլ չէր օգնի:

Դա խաղացուած ու անցած կատակերգութիւնն էր: Հարկաւոր էր նոր բան, աշխարհը չլմեցնող ու ցնցող:

Եւ ահա հանրապետութիւն:

Ամենաարմատական յեղաշրջումն հասարակական, քաղաքական ու ընտանեկան կեանքի:

Փոյթ չէ, թէ թիւրք ժողովրդի մտայնութիւնը, նրա անհատական թէ համայնական բարոյականութեան զգացումը այստեղ նոյնն է, ինչ սուլթանների ու Երիւթի թիւրքերի օրօք: Փոյթ չէ, որ Ֆէսի փոխարէն եւրոպական գլխարկ կրող խաժամուժը այսօր էլ նոյն եռանդով կողոպուտի, աւերածի ու ջարդի կը վազի, ինչպէս պատերազմի ընթացքին, եւ նըրանից առաջ:

Փոյթ չէ...

Մուստաֆա Քեմալը հրամայեց, որ թիւրքը լինի «Եւրոպացի» եւ նա եղաւ «Եւրոպացի»: Եւ մէկ միլիոն հայութեան արեան վրայ կեղծ հանրապետութեան ծիրանին փոռուեց: Եւ հայ ժողովրդի դարաւոր ճիգերի ու հանճարի պըտուղները մնացին ծոյլ ու բարբարոս մի ցեղի հաճոյքի համար, այսպէս կոչուած «Լեհալ գոյքերի, այդինների, արտերի, անդաստանների» թալանը շարունակուում է:

Քաղաքակիրթութեան պատմութեան համար, սակայն հետաքրքիրը քեմալիզմը չէ, որքան Դաշնակից կառավարութիւնների ընթացքը դէպի մեր օրերի այս անօրինակ ախտաբանական երեւոյթը: Այս վերարեբմունքն է, որ հայկական հարցը դարձնում է տիեզերական խղճատանքի գործ: Քեմալիզմը կը մնար պարզ հրոսակային մի շարժում, — ինչպէս այն որակեց Բալֆուր 1920 թուի դեկտեմբերին Ազգերի Ընկերակցութեան ժողովին, — եթէ չլի-

նէր Դաշնակիցների ծածուկ կամ յայտնի պաշտպանութիւնն ու ամէն տեսակի օժանդակութիւնը:

Պատերազմի բարձր նպատակների ուրացումն էր, որ անունը ու գորութիւն տուեց Մուստաֆա Քեմալին, որ կազմակերպեց նրա ոյժերը, ու շարտեց նախ «դաշնակից Հայաստանի», ապա «դաշնակից Յունաստանի վըրայ»:

Այդ նպատակները... արժէ վերյուշել նրանց սերունդների դաստիարակութեան տեսակէտից:

Նախագահ Վիլսոնի Միացեալ Նահանգների պատերազմ մտնելու առթիւ Մենատին ուղղած իր թղթում (2 ապրիլ, 1917) այսպէս էր սահմանում կռուի նպատակը:

«Մեր նպատակն է, ասում է առաջինի նախագահը, արդարութեան եւ իրաւունքի սկզբունքները պաշտպանել... մենք բախտաւոր ենք, որ պիտի կռուենք աշխարհի վերջնական խաղաղութեան համար. ազգերի ազատութեան համար... մեծ ու փոքր ազգերի իրաւունքի համար. նաեւ նրա համար, որ մարդիկ ամէն տեղ կարողանան ընտրել իրենց կենցաղի եւ լինելութեան եղանակը... Իրաւունքն աւելի թանկարժէք է, քան խաղաղութիւնը», եզրակացնում է Վիլսոն:

Այսպէս էր հասկանում պատերազմի նըպատակը այս 20-րդ դարի վերջին մեծ մարդը — ազատութիւն ժողովուրդների, մեծ թէ փոքր, ինքնորոշման անկապտելի իրաւունք տիրապետուած ազգերին, եւ կռիւ՝ մինչեւ որ իրաւունքը յաղթանակի, որովհետեւ խաղաղութիւնը ոչինչ է եւ խոտելի է, երբ մարդկային արդար իրաւունքն է ոտնահարուած:

Դաշնակիցները, որոնց առջեւ Վիլսոնի դրեց իր բարոյական պատգամները, համամիտ դտնուեցին Միացեալ Նահանգների նախագահի տեսակէտին: Ազգերի Լիգա կազմելու առաջարկին Դաշնակիցները 1917 յունուարին պատասխանում են. «Դաշնակից պետութիւնները գիտակցում են, որ նրանք կուում են ոչ ետական շահերի, այլ նախ եւ առաջ ազգերի անկախութեան պաշտպանութեան համար, իրաւունքի համար, արդարութեան համար». ապա անուն-անուն թուելով ազատազրուելիք ազգե-